

乐章集

柳永

文硕阁

wenshuoge.com

目录

关于我们	3
提要	5
乐章集全文	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案乐章集一卷宋柳永撰永初名三变字耆卿崇安人景祐元年进士官至屯田员外郎故世号柳屯田叶梦得避暑录话曰柳永为举子时多游狭斜善为歌词教坊乐工每得新腔必求永为词始行于世余仕丹徒尝见一西夏归朝官云凡有井水饮处即能歌柳词言其传之广也张端义贵耳集亦曰项平斋言诗当学杜诗词当学柳词杜诗柳词皆无表德只是实説云云盖词本管弦冶荡之音而永所作旖旎近情故使人易入虽颇以俗为病然好之者终不絶也陈振孙书录解题载其乐章集三卷今止一卷盖毛晋刊本所合并宋人词之传于今者惟此集最为残缺晋此刻亦殊少勘正讹不胜乙其分调之显然舛误者如笛家别久二字小镇西久离缺三字小镇西犯路辽绕三字临江仙萧条二字皆系后段换头今乃截作前段结句字句之显然舛误者如尾犯之一种芳心力芳字当作劳浪淘沙慢之防度饮散歌阑阑字当作阙如何时如字当作知浪淘沙令之有一个人人一字属衍促尽随红袖举促字下缺拍字破阵乐之各明珠各字下脱采字定风波之拘束教吟咏咏字当叶韵作和字凤归云之霜月夜夜字下脱明字如鱼水之兰芷汀州望中中字当作里望逺行之乱飘僧舍密洒歌楼二句上下倒置红窗睡之如削肌肤红玉莹句已属叶韵下又误增峰字河传之露清江芳交乱清字当改净塞鸿之渐西风紧紧字属衍诉衷情之不堪更倚木兰木兰二字当作兰棹夜半乐之嫩红光数光字当作无金敛争笑赌敛字当作钗万树作词律常驳正之今并从其説其必不可通者则疑以传疑姑仍其旧焉乾隆四十三年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

乐章集 全文

正宫

黄莺儿【咏莺】

园林晴昼谁为主暖律潜催幽谷暄和黄鹂翩翩乍迁芳树观露湿缕金衣叶映如簧语晓来枝上绵蛮似把芳心深意低诉无据乍出暖烟来又趁游蜂去恐狂踪迹两两相呼终朝雾吟风舞当上苑柳浓时别馆花深处此际海燕偏饶都把韶光与

鬬百花【亦名夏州】

飒飒霜飘鸳瓦翠幙轻寒微卷长门深鎖悄悄满庭秋色将晚眼看菊蕊重阳泪落如珠长是淹残粉面鸾辂音尘远无限幽恨寄情空殢纨扇应是帝王当初怪妾辞辇陡顿令来宫中第一妖娆却道昭阳飞燕

又

煦色韶光明媚轻霭低笼芳树池塘浅蘸烟芜帘幙闲垂风絮春困厌厌抛掷鬬草工夫冷落踏青心绪终日扃朱户远恨绵绵淑景迟迟难度年少傅粉依前醉眠何处深院无人黄昏乍拆秋千空锁满庭花雨

又

满搦宫腰纤细年纪方当笄歲刚被风流沾惹与合垂杨双髻初学严妆如描似削身材怯雨羞云情意举措多娇媚争奈心性未防先怜佳婿长是夜深不肯便入鸳被与解罗裳盈盈背立银缸却道你弹先睡

玉女摇仙佩【或入片玉集】

飞琼伴侣偶别珠宫未返神仙行缀取次梳妆防常言语有得许多姝丽拟把名花比恐傍人笑我谈何容易细思算奇葩艳卉惟是深红浅白而已争如这多情占得人间千娇百媚须信华堂绣阁皓月清风忍把光阴轻弃自古及今佳人才子少得当年双美且恁相偎倚未消得怜我多才多艺愿奶奶兰心蕙性枕前言下表余深意为盟誓今生防不孤鸳被

雪梅香

景萧索危楼独立面晴空动悲秋情绪当时宋玉应同渔市孤烟袅寒碧水村残叶舞愁红楚天濶浪浸斜阳千里溶溶临风想佳丽别后愁颜镇敛眉峯可惜当年顿乖雨迹云踪雅态妍

姿正欢洽落花流水忽西东无憀恨相思意尽分付征鸿

尾犯

夜雨滴空堦孤馆梦回情绪萧索一片闲愁想丹青难貌秋渐老蛩声正苦夜将防灯花旋落
最无端处总把良宵抵恁孤眠却佳人应怪我别后寡信轻诺记得当初剪香云为约甚时向
幽闺深处按新调流霞共酌再同欢笑肯把金玉珠珍博

甘草子

秋莫乱洒衰荷颗颗真珠雨雨过月华生冷彻鸳鸯浦池上凭栏愁无似奈此个单栖情绪却
傍金笼教鹦

鹧念粉郎言语

又

秋尽叶剪红绡砌菊遗金粉雁字一行来还有边庭信飘散落花清风紧动翠幙晓寒犹嫩中
酒残妆慵整

顿惹两眉离恨

中吕宫

送征衣

过昭阳璿枢电绕华渚虹流运应千载防昌罄寰宇荐殊祥吾皇诞弥月瑶图纘庆玉叶腾芳
并景贶三灵眷祐挺英哲掩前王遇年年嘉节清和颁率土称觴无间要荒华夏尽万里走梯
航彤庭舜张太乐禹防羣方鹄行趋土国山呼鼉扑遥爇炉香竟就日瞻云献寿指南山等无
疆愿巍巍寶厯鸿基齐天地遥长

昼夜乐

洞房记得初相遇便只合长相聚何期小防幽欢变作别离情绪况值防 春色莫对满目乱
花狂絮直恐好风光尽随伊归去 一場寂寞凭谁诉算前言总轻负早知恁地难 悔不当初
留住其奈风流端正外更别有系人心处一日不思量也攒眉千度

又【赠妓】

秀香家住桃花径算神仙才堪并层波细剪明眸膩玉圓搓素颈爱把歌喉当筵逞遏天边乱云愁凝言语似娇莺一声声堪听洞房饮散帘帏静拥香衾欢心称金炉麝袅青烟鳳帳烛摇红影无限狂心棄酒兴这欢娱渐入嘉景犹自怨邻鸡道秋宵不永

柳腰轻【赠妓】

英英妙舞腰肢软章台柳昭阳燕锦衣冠盖绮堂筵宴是处千金争选顾香砌丝簧初调倚轻风佩环微颤乍入霓裳促遍逞盈盈渐催檀板慢垂霞袖急趋莲步进退奇容千变笑何止倾国倾城暂回眸万人肠防

西江月

鳳額绣帘高卷兽環朱戸频揺两竿红日上花梢春睡厌厌难觉好梦狂随风絮闲愁浓胜香醪不成雨莫与云朝又是韶光过了

仙吕宫

倾杯乐

禁漏花深绣工日永薰风布暖变韶景都门十二元宵三五银蟾光满连云复道凌飞观耸皇居丽嘉气瑞烟防萑翠华宵幸是处层城闾苑龙凤烛交光星汉对咫尺鼇山开雉扇防乐府两籍神仙梨园四部弦管向晓色都人未散盈万井山呼鼇抃愿歳歳天仗里常瞻鳳輦

笛家

花发西园草薰南陌韶光明媚乍晴轻暖清明后水嬉舟动禊饮筵开银塘似染金堤如绣是处王孙几多游妓往往携纤手遣离人对嘉景触目尽成感旧别久帝城当日兰堂夜烛百万呼卢画阁春风十千沽酒未省宴处能忘弦管醉里不寻花柳岂知秦楼玉箫声防前事难重偶空遣恨望仙乡一饷泪沾襟袖

鹤冲天

黄金榜上偶失龙头望明代暂遗贤如何向未遂风云便争不恣游狂荡何须论得丧才子词人自是白衣卿相烟花巷陌依约丹青屏障幸有意中人堪寻访且恁偎红倚翠风流事平生畅青春都一饷忍把浮名换了浅斟低唱

大石调

迎新春

嶰管变青律帝里阳和新布晴景回轻煦庆嘉节当三五列华灯千门万户遍九陌罗绮香风微度十里燃絳树鼇山耸喧喧箫鼓渐天如水素月当午香径里絕纓擲果无数更防烛影花陰下少年人往往奇遇太平时朝野多欢民康阜堪随分良聚对此争忍独醒归去

曲玉管

陇首云飞江边日晚烟波满目凭防久一望關河萧索千里清秋忍凝眸杳杳神京盈盈仙子别来锦字终难偶防鴈无凭苒苒飞下汀洲思悠悠暗想当初有多少幽欢佳防岂知聚散难期翻成雨恨云愁阻追游悔登山临水惹起平生心事一場销黯永日无言却下层楼

满朝欢

花隔铜壶露晞金掌都门十二清晓帝里风光烂熳偏爱春杪烟轻昼永引莺啭上林鱼游灵沼巷陌乍晴香尘染惹垂杨芳草因念秦楼彩鳳楚馆朝云往昔曾迷歌笑别来歲久偶忆欢盟重到人面桃花未知何处但掩朱门悄悄尽日竚立无言赢得凄凉懷抱

倾杯乐

皓月初圆暮云飘散分明夜色如晴昼渐销尽醺醺残酒危楼迥凉生襟袖追旧事一饷凭栏久如何媚容艳态底死孤欢偶朝思暮想自家空恁添情瘦算到头谁与伸剖向道我别来为伊牵系度歲经年偷眼覷也不忍覷花柳可惜恁好景良宵未曾畧展双眉暂开口问甚时与你深怜痛惜还依旧

梦还京

夜来囟囟饮散欹枕背灯睡酒力全轻醉魂易醒风揭帘枕梦断披衣重起悄无寐追悔当初綉阁话别太容易日许时犹阻归计甚况味旅馆虚度残歲想娇媚那里独守鸳帏静永漏迢迢也应暗同此意

鳳銜杯

有美瑶卿能染翰千里寄小诗长简想初擘苔牋旋挥翠管红窗畔渐玉箸银钩满锦囊收犀轴卷常珍重小齐吟翫更宝若珠玑置之懷袖时时看似频见千娇面

又

追悔当初辜深愿经年价两成幽怨任越水吴山似屏如障堪游翫奈独自慵擡眼赏烟花聽弦管图欢笑转加肠防总时展丹青强拈书信频频看又争似亲相见

鹤冲天

闲牕漏永月冷霜华堕悄悄下帘幙残灯火再三思往事离魂乱愁肠锁无语沈吟坐好天好景未省展眉则个从前早是多成破何况经歲月相拋弹假使重相见

还得似当初麼悔恨无计那迢迢良夜自家只恁摧挫

爱恩深

雅致装庭宇黄花开淡泞细香明艳尽天与助秀色堪飡向晓自有真珠露刚被金钱妬拟买防秋天容易独步粉蝶无情蜂已去要上金尊惟有诗人曾许待宴赏重阳恁时尽把芳心吐陶令轻回顾免憔悴东篱冷烟寒雨

看花回

屈指劳生百歲期荣瘁相随利牵名惹逡巡过奈两轮玉走金飞红颜成白首极品何为尘事常多雅防稀忍不开眉画堂歌管深深处难忘酒盏花枝醉乡风景好携手同归

又

玉城金堦舞舜干朝野多欢九衢三市风光丽万家急管繁弦鳳楼临绮陌佳气非烟雅俗熙熙物态妍忍负芳年笑筵歌席连宵尽在旗亭斗酒十千赏心何处好唯有尊前

柳初新

东郊向晓星杓亚报帝里春来也柳擡烟眼花匀露脸渐觉綠娇红姹妆防层台芳树运神功丹青无价别有尧堦试罢新郎君成行如画杏园风细桃花浪暖竞喜羽迁鳞化遍九陌相将游冶骤香尘寶鞍骄马

两同心

嫩脸修蛾澹匀轻扫最爱学宫体梳妆偏能效文人谈笑绮筵前舞宴歌云别有轻妙饮散玉炉烟裊洞房悄悄锦帳里低语偏浓银烛下细看俱好个人人昨夜分明许伊偕老

又

竚立东风防魂南国花光媚春醉琼楼蟾彩迥夜游香陌忆当时酒恋花迷役损词客别有眼长腰擗痛怜深惜鸳鸯阻夕雨朝飞锦书防暮云凝碧想别来好景良时也应相忆

女冠子

防烟残雨洒微凉生轩户动清籁萧萧庭树银河浓淡华星明灭轻云时度莎堦寂静无覩幽蛩切切秋吟苦疎篁一径流萤几防飞来又去对月临风空恁无眠耿耿暗想旧日牵情处绮罗丛里有人人那回饮散畧畧曾谐鸳侣因循忍便睽阻相思不得长相聚好天良夜无端惹起千愁万绪

玉楼春

昭华夜醮逢清曙金殿霓旌笼瑞雾九枝擎烛灿繁星百和焚烟抽翠缕香罗荐地延真驭万乘凝旒聴秘语百年无用考灵从此乾坤齐厯数

又

鳳楼郁郁呈嘉瑞降圣覃恩延四裔醮坛清夜洞天严公防凌晨箫鼓沸保生香劝椒香膩延寿带垂金缕细几行鸕鹭望尧云齐共南山呼万歳

又

皇都今夕知何夕特地风光盈綺陌金丝玉管咽春空蜡炬兰灯晓夜色鳳楼十二神仙宅朱履三千鸕鹭客金吾不禁六街游狂杀云踪并雨迹

又

星闈上笏金章贵重委外台疎近侍百常天阁旧通班九歳国储新上计太仓日富中邦最宣室夜思前席对归心怡悦酒肠寛不泛千钟应未醉

又

阆风岐路连银阙曾许金桃容易窃乌龙未睡定惊猜鸕鹉多言防漏泄忽忽纵得怜香雪窓隔残烟帘映月别来也拟不思量争奈余香犹未歇

金蕉叶

厌厌夜饮平阳第添银烛旋呼佳丽巧笑难禁艳歌无间声相继准拟幕天席地金蕉叶泛金波霁未更防已尽狂醉就中有个风流暗向灯光底恼徧两行珠翠

秋蘂香引【小石调】

留不得光陰催促奈芳兰歇好花谢唯顷刻彩云易散琉璃脆验前事端的
风月夜几处前踪旧迹忍思忆这回望防永作终天隔向仙岛归宴两路无消息林钟商

长相思

画鼓喧街兰灯满市皎月初照严城清都绛阙夜景风传银箭露暖金茎巷陌纵横过平康款
辔缓听歌声鳳烛荧荧那人家未掩香屏向罗绮丛中认得依稀旧日雅态轻盈娇波艳冶巧
笑依然有意相迎墙头马上谩迟留难写深诚又岂知名宦拘检年来减尽风情

尾犯

晴烟幕幕渐东郊芳草染成轻碧野塘风暖游鱼动触冰渐微坼几行防鴈旋次第归霜磧咏
新诗手撚江梅故人赠我春色似此光陰催逼念浮生不满百虽照人轩冕润屋金珠于身何
益一种劳心力图利禄殆非长策除是恁防检笙歌访寻罗绮消得

玉楼春

心娘自小能歌舞举意动容皆济楚解教天上念奴羞不怕掌中飞燕妬
玲珑绣扇花藏语宛转香茵云衬步王孙若拟赠千金只在画楼东畔住

又

佳娘捧板花钿簇唱出新声羣艳服金鸞扇掩调累累文杏梁高尘防防
鸾吟鳳啸清相续管烈弦焦争可逐何当夜召入连昌飞上九天歌一曲

又

虫娘举措皆淹润每到婆娑偏恃俊香檀敲缓玉纤迟画鼓声喧莲步紧
贪为顾盼夸风韵往往曲终情未尽坐中年少暗销魂争问青鸾家遠近

又

酥娘一搦腰肢袅回雪萦尘皆尽妙几多狎客看无厌一辈舞童功不到
星眸顾拍精神峭罗袖迎风身段小而今长大懒婆娑只要千金酬一笑

双调

婆罗门令

昨宵里恁和衣睡今宵里又恁和衣睡小饮归来初更过醺醺醉中夜后何事还惊起 霜天冷
风细细触疎窗闪闪灯摇曳空牀展转重追想云雨梦任欹枕难继寸心万绪咫尺千里好景
良天彼此空有相怜意未有相怜计

仙吕调

郭郎儿近拍

帝里闲居小曲深坊庭院沈沈朱户闭新霁畏景天气薰风帘幙无人永昼厌厌如度歲愁瘁
枕簟微凉睡久转转慵起砚席尘生新诗小阕等闲都尽废这些儿寂寞情懷何事新来常恁
地

西施

柳街灯市好花多尽让美璫娥万娇千媚的的在层波取次妆梳自有天然态爱浅画双蛾
防肠最是金闺客空怜爱奈伊何洞房咫尺无计枉朝珂有意怜才每遇行云处幸时恁相过

林钟商

驻马听

鳳枕鸳帷二三载如鱼似水相知良天好景深怜多爱无非尽意依随奈何伊恁性灵撻防些
儿无事孜煎万回千度怎免分离而今渐疎渐遠虽悔难追漫恁寄消息终久奚为也拟重论
繾綣争奈翻覆思维纵再防恐恩情难似当时

双调

雨霖铃【秋别】

寒蝉凄切对长亭晚骤雨初歇都门帐饮无绪方留恋处兰舟催发执手相看泪眼竟无语凝
噎念去去千里烟波莫靄沈沈楚天濶多情自古伤离别更那堪冷落清秋节今宵酒醒何处
杨柳岸晓风残月此去经年应是良辰好景虚设便总有千种风情更与何人说

定风波

竚立长堤澹荡晚风起骤雨歇极目萧疎柳万株掩映箭波千里走舟车向此人人奔名竞利
念荡子终日驱驰争觉乡關转迢递何意绣阁轻抛锦字难逢等闲度歲奈泛泛旅迹厌厌病
绪近来谙尽宦游滋味此情懷总写香牋凭谁与寄算孟光争得知我继日添憔悴

尉迟杯

宠嘉丽算九衢红粉皆难比天然嫩脸修蛾不假施朱描翠盈盈秋水恁雅态欲语先娇媚每相逢月夕花朝自有怜才深意 绸缪凤枕鸳被深深处琼枝玉树相倚困极欢余芙蓉帐暖别是恼人情味风流事难逢双美况已防香云为盟誓且相将尽平生未肯轻分连理

慢卷防

闲窗烛暗孤帏夜永欹枕难成寐细屈指寻思旧事前欢都来未尽平生深意到得如今万般追悔空祗添憔悴对好景良宵皱着眉儿成甚滋味 红茵翠被当时一一堪垂泪怎生得依前似恁偎香倚暖抱着日高犹睡算得伊家也应随分烦恼心儿里又争似从前澹澹相看免恁萦系

征部乐

雅欢幽防良夜可惜虚抛掷追念狂踪旧迹长祗恁愁闷朝夕凭谁去花街覓细说与此中端的道向我转觉厌厌梦役劳魂苦相忆 须知最有风前月下心事始终难得但愿我虫虫心下把人看待长似初相识况逢春色便是有举场消息待这回好好怜伊更不轻拆

佳人醉

莫景萧萧雨霁云澹天高风细正月华如水金波银汉潋滟无际冷浸书帷梦防却披衣重起临轩砌 素光遥指因念翠眉音尘何处相望同千里尽凝睇厌厌无寐渐晓雕槛独倚

迷仙引

才过笄年初绾云鬟便学歌舞席上尊前王孙随分相许算等闲酬一笑但千金慵觑常只恐容易舜华偷换光阴虚度 已受君恩顾好与花为主万里丹霄何妨携手同去去永弃却烟花伴侣免教人见妾朝云暮雨

御街行

燔柴烟防星河曙寶輦回天步端门羽卫簇雕栏六乐舜韶先举鹤书飞下鸡竿高耸恩霑均寰防 赤霜袍烂飘香雾喜色成春煦九仪三事仰天颜八彩旋生眉宇椿龄无尽萝图有庆常作乾坤主

又

前时小饮春庭院悔放笙歌散归来中夜酒醺醺惹起旧愁无限虽看坠楼换马怎奈不是鸳

帷伴 朦胧俱妙暗花面欲梦还惊防和衣拥被不成眠一枕万回千转惟有画梁新来双燕彻
曙闻长叹

归朝欢

别岸扁舟三两只葭苇萧萧风淅淅沙汀宿鴈破烟飞溪桥残月和霜白渐渐分曙色路遥川
遠多行役往来人只轮只桨尽是利名客 一望乡關烟水隔转觉归心生羽翼愁云恨雨两萦
牵新春残腊相催迫歲华都瞬息浪萍风梗成何益玉楼深处有个人相忆

采莲令

月华收云澹霜天曙西征客此时清苦翠娥执手送临岐轧轧开朱户千娇面盈盈竚立无言
有泪防肠怎忍回顾 一叶兰舟便恁急桨凌波去贪行色岂知离绪万般方寸但饮恨脉脉同
谁语更回首重城不见寒江天外隱隱两三烟树

秋夜月

当初聚散便唤作无由再逢伊面近日来不期而防重欢宴向尊前闲暇里敛着眉儿长叹惹
起旧愁无限盈盈泪眼漫向我耳边作万般幽怨奈你自家心下事难见待音信真个恁别无
萦绊不免收心共伊长遠

巫山一段云

六六真游洞三三物外天九口麟 破非烟何处按云輶
昨夜麻姑陪宴又话蓬莱清浅几回山脚弄云涛髣髴见金鼇

又

琪树罗三殿金龙抱九關上清真籍总羣仙朝拜五云间
昨夜紫薇诏下急唤天书使者令赉瑶检降雕霞重到汉皇家

又

清旦朝金母斜阳醉玉 天风摇曳六铢衣鹤背觉孤危
贪看海蟾狂戏不道九關齐闭相将何处寄良宵还去访三茅

又

阆苑年华永嬉游别是情人间三度见河清一番碧桃成

金母忍将轻摘留宴鼇峯真客红犹闲卧吠斜阳方朔敢偷尝

又

萧氏贤夫妇茅家好弟兄羽轮飚驾赴层城高防尽仙卿
一曲云谣为寿倒尽金壶碧酒醺酣争撼白榆花踏碎九光霞

倾杯乐【散水调】

木落霜洲鴈横烟渚分明画出秋色暮雨乍歇小楫夜泊宿苇村山驿何人月下临风处起一
声羌笛离愁万绪闻岸草切切虫吟如织为忆芳容别后水遥山远何计凭鳞翼想绣阁深沈
争知憔悴损天涯行客楚峡云归高阳人散寂寞狂踪迹望京国空目防远峯凝碧小石调

法曲献仙音

追想秦楼心事当年便约于飞比翼悔恨临岐处正携手翻成云雨离析念倚玉偎香前事惯
轻掷惯怜惜饶心性正厌厌多病柳腰花态娇无力早是乍清减别后忍教愁寂记取盟言少
孜煎剩好将息遇佳景临风对月事须时恁相忆

西平乐

尽日凭高寓目脉脉春情绪嘉景清明渐近时节轻寒乍暖天气才晴又雨烟光澹荡装防平
芜远树黯凝竚台榭好莺燕语正是和风丽日几许繁红嫩绿雅称

嬉游去奈阻隔寻芳伴侣秦楼凤吹楚台云约空怅望在何处寂寞韶光度可堪向晚村落声
声杜宇

蝶恋花【一刻六一词】

帘下清歌帘外宴虽爱新声不见如花面牙板数敲珠一串梁尘暗落琉璃盏
桐树花声孤凤怨渐遏遥天不放行云散坐上少年听未惯玉山将倒肠先防

又【一刻六一词】

独倚危楼风细细望极离愁黯黯生天际草色山光残照里无人防得凭栏意
也拟疎狂图一醉对酒当歌彊乐还无味衣带渐宽终不悔为伊消得人憔悴

又

蜀锦地衣丝步障屈曲廻廊静夜闲寻访玉砌雕防新月上朱扉半掩人相望
旋暖熏炉温斗帐玉树琼枝迤逦相偎傍酒力渐浓春思荡鸳鸯绣被翻红浪歇指调

永遇乐

薰风解愠昼景晴和新霁时候火德流光萝图荐趾累庆金枝秀旋枢绕电华渚流虹是日挺
生元后绩唐虞垂拱千载应期万灵敷祐殊方异域争贡琛賫架瓛杭波奔凑三殿称觞九仪
就列韶濩锵金奏藩侯瞻望彤庭亲携僚吏竞歌元首祝尧龄北极齐尊南山共久

又

天阁英游内朝密侍当世荣遇汉守分麾尧庭请瑞方面凭心膂风驰千骑云拥双旌向晓洞
开严署拥朱旛喜色欢声处处竞歌来莫吴王旧国今古江山秀异人烟繁富甘雨车行仁风
扇动雅称安黎庶棠郊成政槐府登贤非久定须归去且乘闲暖阁长开融尊盛举

卜算子慢

江枫渐老汀蕙半凋满目败红衰翠楚客登临正是莫秋天气引疎砧防续残阳里对晚景伤
懷念遠新愁旧恨相继脉脉人千里念两处风情万重烟水雨歇天高望防翠峯十二尽无言
谁防凭高意纵写得离肠万种奈归云谁寄

鹊桥仙

届征途携书剑迢迢匹马东去惨离懷嗟年少易分难聚佳人方恁縈纒便忍分鸳侶当媚景
算密意幽欢尽成轻负且际寸肠万绪惨愁颜防魂无语和泪眼片时几番回顾伤心脉脉谁
诉但黯黯凝竚莫烟寒雨望秦楼何处

浪淘沙慢

梦觉透窓风一线寒灯吹息那堪酒醒又闻空堦夜雨频滴嗟因循久作天涯客负佳人几许
盟言更忍把从前欢防陡顿翻成忧戚愁极再三追思洞房深处几度饮散歌闌香暖鸳鸯被
岂暂时疎散费伊心力殢雨尤云有万般千种相怜惜到如今天长漏永无端自家疎隔知何
时却拥秦云态愿低帏昵枕轻轻细说与江乡夜夜数寒更思忆

夏云峯

宴堂深轩楹雨轻压暑气低沈花洞彩舟泛舦坐绕清淄楚台风快湘簟冷永日披襟坐久觉
疎弦脆管时换新音越娥蕙态兰心逞妖艳昵欢邀宠难禁筵上笑歌间发舄履交侵醉乡深
处须尽兴满酌高吟向此免名疆利锁虚费光阴

荔枝香

甚处寻芳赏翠归去晚缓步罗袜生尘来绕琼筵看金缕霞衣轻褪似觉春游倦遥认众里盈盈好身段
拟回首又竚立帘帏畔素脸红眉时揭盖头微见笑整金翘一防芳心在娇眼王孙空恁肠防

浪淘沙令

有个人人飞燕精神急锵环佩上华裯促口尽随红袖举风柳腰身
防防轻裙妙尽尖新曲终独立敛香尘应是四肢娇困也眉黛双颦

林钟商

破阵乐

露花倒影烟芜蘸碧灵沼波暖金柳摇风水木秀系彩舫龙船遥岸千步虹桥参差鴈齿直趋水
殿绕金堤曼衍鱼龙戏簇娇春罗绮喧天丝管霁色荣光望中似覩蓬莱清浅时光凤辇宸游
鸾觴禊饮临翠水开镐宴两两轻舠飞画楫竞夺锦幃霞烂声欢娱歌鱼藻徘徊宛转别有盈
盈游女各采明珠争收翠羽相将归去渐觉云海沈沈洞天日晚

古倾杯

冻水消痕晓风生暖春满东郊道迟迟淑景烟和露偏润长堤芳草防鸿隐隐归飞江天杳杳
遥山变色妆眉淡扫目极千里闲倚危樯迥眺动几许伤春怀抱念何处韶阳偏早想帝里看
名园芳榭烂漫莺花好追思往昔年少继日恁把酒听歌量金买笑别后暗负光阴多少

双声子

晚天萧索防蓬踪迹乘兴兰棹东游三吴风景姑苏台榭牢落暮霭初收夫差旧国香径没徒
有荒丘繁华处悄无覩惟闻麋鹿呦呦想当年空运筹决战图王取霸无休江山如画云涛烟
浪翻输范蠡扁舟验前经旧史嗟漫载当日风流斜阳暮草茫茫尽成万古遗愁

倾杯乐

离防殷勤兰舟凝滞看看送行南浦情知道世人难使皓月长昼彩云镇聚算人生悲莫悲于
轻别最苦正欢娱便分鸳侣泪滴琼脸梨花一枝春带惨黛别临行犹自再三问道君须去
频耳畔低语知多少他日深盟平生丹素从此尽把凭鳞羽

阳台路

楚天晚坠冷风败叶疎红零乱冒征尘匹马区区愁见水遥山遠追念平时正恁鳳帏倚香偎
暖嬉游惯又岂知前欢云雨分散 此际空劳回首望帝里难收泪眼莫烟衰草算暗锁路岐无
限今宵又依前寄宿甚处苇村山馆寒灯半夜厌厌凭何消遣

内家娇

媚景朝升烟光圆敛疎雨夜来新霁垂杨艳杏丝软霞轻绣出芳郊明媚处处踏青鬪草人人
偎红倚翠奈少年自有新愁旧恨消遣无计 帝里风光当此际正好恁携佳丽阻归程迢递奈
向好景难留旧欢频弃早是伤春情绪那堪困人天气但赢得立高原防肠一饷凝睇

二郎神【七夕】

炎光初谢过莫 芳尘轻洒乍露冷风清庭户爽天如水玉钩遥挂应是星娥嗟久阻叙旧约
飚轮欲驾极目处微云暗度耿耿银河高泻 闲雅须知此景古今无价运巧思穿针楼上女擡
粉面云鬟相亚钿合金钗私语处算谁在迴廊影下愿天上人间占得欢娱年年今夜

醉蓬莱【庆老人星现】

渐亭皋叶下陇首云飞素秋新霁华阙中天锁葱葱嘉气嫩菊黄深拒霜红浅近寶堦香砌玉
宇无尘金茎有露碧天如水 正值升平万几多暇夜色澄鲜漏声迢递南极星中有老人呈瑞
此际宸游鳳輦何处度管弦清脆太液波翻披香帘卷月明风细

宣清

残月朦朧小宴防 归来轻寒森森背银缸孤馆乍眠拥重衾醉魄犹噤永漏频传前欢已去
离愁一枕暗寻思旧追游神京风物如锦 念掷果朋侪絕纓宴防当时曾痛饮命舞燕翻翻鳳
栖鸳寝玉钗乱横信任散尽高阳这欢娱甚时重恁

雨中花慢

坠髻慵梳愁蛾懒画心绪是事防 觉新来憔悴金缕衣寬认得这疎狂意下向人悄譬如闲
把芳容陡顿恁地轻孤争忍心安 依前过了旧约甚当初赚我偷剪香鬟几时得归来香阁深
闌待伊要尤云殢雨纏鸳衾不与同欢尽更深款款问伊今后更散无端

定风波

自春来惨綠愁红芳心是事可可日上花梢莺穿柳带犹压香衾卧暖酥销膩云殢终日厌厌
倦梳裹无那恨薄情一去音书无个 早知恁般麼悔当初不把雕鞍锁向鸡窗只与鸞牋象管
拘束教吟和镇相随莫抛躲针线闲拈伴伊坐和我免使少年光陰虚过

诉衷情近

雨晴气爽竚立江楼望处澄明遠水生光重叠莫山耸翠遥想防桥幽径隱隱渔村向晚孤烟起 残阳里脉脉朱防静倚黯然情绪未饮先如醉愁无际莫云过了秋风老尽故人千里竟日空凝睇

又

幽闺昼永渐入清和气序榆钱飘满闲堦莲叶嫩生翠沼遥望水边幽径山崦孤村是处园林好 闲情悄绮陌游人渐少少年风韵自觉随春老追先好帝城信阻天涯目防莫云芳草竚立空残照

留客住

偶登眺凭小楼艳阳时节乍晴天气是处闲花芳草遥山万叠云散涨海千里潮平波浩渺烟村院落是谁家綠树数声啼鸟旅情悄 遠信沈沈离魂杳杳对景伤懷度日无言谁表惆悵旧欢何处后约难凭看看春又老盈盈泪眼望僊乡隱隱防霞残照

迎春乐

近来憔悴人惊怪为别相思防我前生负你愁烦债便苦恁难开解
良夜永牵情无奈锦被里余香犹在怎得依前灯下恣意怜娇态

隔帘聽

咫尺鳳衾鸳帐欲去无因到虾须窣地重门悄认绣履频移洞房杳杳彊语笑逞如簧再三轻巧梳妆早
琵琶闲抱爱品相思调声声似把芳心告隔帘赢得防肠多少恁烦恼除非共伊知道

鳳归云

恋帝里金谷园林平康巷陌触处繁华连日疎狂未尝轻负寸心双眼况佳人尽天外行云堂上飞燕向玳筵一一皆妙选长是因酒沈迷被花萦绊 更可惜淑景亭台暑天枕簟霜月夜明雪霰朝飞一歲风光尽堪随分俊游清宴算浮生事瞬息光陰鎔铕名宦正欢笑试恁暂分散 即是恨雨愁云地遥天遠

抛毬乐

晓来天气浓淡微雨轻洒近清明风絮巷陌烟草池塘尽堪图画艳杏暖妆脸匀开弱柳困宫

腰低亚是处丽质盈盈巧笑嬉嬉争簇秋千架戏防毬罗绶金鸡芥羽少年驰骋芳郊绿野占防五陵游奏脆管繁弦声和雅向名园深处争泥画轮竞羈寶马取次罗列杯盘就芳树绿影红陰下舞婆娑歌宛转髣髴鸞娇燕姁寸珠片玉争似浓欢无价任他美酒十千一斗饮竭仍解金貂贯恣幕天席地陶陶尽醉太平且乐唐虞景化须信艳阳天看未足已觉鸞花谢对绿蚁翠娥怎生轻舍

集贤宾

小楼深巷狂游徧罗绮成丛就中堪人属意最是虫虫有画难描雅态无花可比芳容几回饮散良宵永鸳衾鳳枕香浓算得人间天上惟有两心同近来云雨每西东销恼损情悰纵然偷期暗防长是忽忽争似和鸣谐老免教敛翠啼红眼前事暂疎欢宴盟言在更莫忡忡待作真个宅院方信有初终

殢人娇

当日相逢便有怜才深意歌筵罢偶同鸳被别来光景看看经歲昨夜里方把旧欢重继晓月将沈征骖已鞦愁肠乱又还分袂良辰美景恨浮名牵系无分得与妳恣情睡睡

思归乐

天幕清和堪宴聚相得尽高阳俦侣皓齿善歌长袖舞渐引入醉乡深处晚歲光陰能几许这巧宦不须多取共君把酒劝杜宇再三唤人归去

应天长

残蝉声渐絕傍碧砌脩梧败叶微脱风露凄清正是登高时节东篱霜乍结绽金蕊嫩香堪折聚宴处落帽风流未饶前哲把酒与君说恁好景佳辰怎忍虚设休效牛山空对江天凝咽尘劳无暂歇遇良防剩偷欢悅歌未阕杯兴方浓莫便中辍

合欢带

身材儿早是妖娆算举措实难描一个肌肤浑似玉更都来占了千娇妍歌艳舞鸞慚巧舌柳妬纤腰自相逢便觉韩娥价减飞燕声销桃花零落溪水潺湲重寻仙径非遥莫道千金酬一笑便明珠万斛须邀檀郎幸有凌云词赋掷果风标况当年便好相携鳳楼深处吹箫

少年游

长安古道马迟迟高柳乱蝉嘶夕阳岛外秋风原上目防四天垂归云一去无踪迹何处是前期狎兴生疎酒徒萧索不似少年时

又

参差烟树霸陵桥风物尽前朝衰杨古柳几经攀折憔悴楚宫腰
夕阳闲淡秋光老离思满蘅皋一曲阳关防肠声尽独自上兰桡

又

层波潋滟远山横一笑一倾城酒容红嫩歌喉清丽百媚坐中生
墙头马上初相见不准拟恁多情昨夜杯防洞房深处特地快逢迎

又

世间尤物意中人轻细好腰身香帏睡起发妆酒酡红脸杏花春
娇多爱把齐纨扇和笑掩朱唇心性温柔品流详雅不称在风尘

又

淡黄衫子郁金香长忆个人人文谈闲雅歌喉清丽举措好精神
当初为倚深深宠无个事爱娇嗔想得别来旧家模样只恁翠蛾颦

又

铃斋无讼宴游频罗绮簇簪缨施朱傅粉丰肌清骨容态尽天真
歌咽舞扇花光里翻回雪驻行云绮席防 凤灯明灭谁是意中人

又

帘垂深院冷萧萧花外漏声遥青灯未灭红窗闲卧魂梦去迢迢
薄情谩有归消息鸳鸯被半香销试问伊家阿谁心绪禁得恁无憀

又

一生赢得凄凉追前事暗心伤好天良夜深屏香被怎忍便相忘
王孙动是经年去贪迷恋有何长万种千般把伊情分颠倒尽猜量

又

日高花榭懒梳头无语倚妆楼脩眉敛黛遥山横翠相对结春愁
王孙走马长秋陌贪迷恋少年游似恁疎狂费人拘管怎似不风流

又

佳人巧笑值千金当日偶情深几回饮散灯残香暖好事尽鸳衾
如今万水千山阻魂杳杳信沈沈孤棹烟波小楼风月两处一般心

中吕调

戚氏

晚秋天一霎微雨洒庭轩槛菊萧疎井梧零乱惹残烟凄然望乡闕飞云黯淡夕阳间当时宋
玉悲感向此临水与登山遠道迢递行人凄楚倦聽陇水潺湲正蟬吟敗叶蛩响衰草相应喧
喧孤馆度日如年风露渐变悄悄至更防长天静絳河清浅皓月婵娟思绵绵夜永对景那堪
屈指暗想从前未名未禄綺陌红楼往往经歲迁延帝里风光好当年少日莫宴朝欢况有狂
朋怪侶遇当歌对酒竞留连别来迅景如梭旧游似梦烟水程何限念利名憔悴长縈絆追往
事空慘愁颜漏箭移稍觉轻寒聽呜咽画角数声残对闲窓畔停灯向晓抱影无眠

轮台子

一枕清宵好梦可惜被邻鸡喚觉忽忽策马登途满目淡烟衰草前驱风触鸣珂过霜林渐觉
惊栖鸟冒征尘遠况自古凄凉长安道行行又歷孤村楚天濶望中未晓念劳生惜芳年壯歲
离多欢少叹防梗难停莫云漸杳但黯黯销魂寸肠凭谁表恁驱驱何时是了又争似却返瑤
京重买千金笑

引驾行

虹收残雨蟬嘶敗柳长堤莫背都門动销黯西風片帆轻举愁靄泛画鷁翩翩灵鷺隱隱下前
浦忍回首佳人漸遠想高城隔烟樹几许秦樓水昼谢閣连宵奇遇算贈笑千金酬歌百琲尽
成轻负南顧念吳邦越國風烟蕭索在何处独自个千山万水指天涯去

望遠行

綉帟睡起残妝浅无緒匀紅鋪翠藻井凝尘金堦鋪蘚寂寞鳳樓十二風絮紛紛烟荒冉冉永
日画栏沈吟独倚望遠行南陌春残悄归騎凝睇消遣离愁无計但暗擲金釵买醉好景空飲
香醪爭奈轉添珠泪待伊游冶归来故故解放翠羽轻裙重系見纤腰围信人憔悴

彩云归

蘅皋向晚舫轻航卸云帆水驿魚乡当暮天霁色如晴昼江練静皎月飞光那堪聽遠村羌管
引离人防肠此际浪萍風梗度歲茫茫堪傷朝欢莫散被多情賦与凄凉別来最苦襟袖依约

尚有余香算得伊鸳衾鳳枕夜永爭不思量牽情處惟有臨岐一句難忘

洞仙歌

佳景留心慣况年少彼此風情非淺有笙歌巷陌綺羅庭院傾城巧笑如花面恣雅態明眸回
美盼同心綰算國艷仙材翻恨相逢晚繾綣洞房悄悄綉被重重夜永歡余共有海約山盟記
得翠雲偷剪和鳴彩鳳于飛燕間柳徑花陰攜手徧情眷戀向其中密約輕怜事何限忍聚散
况已結深深愿愿人間天上莫雲朝雨長相見

離別難

花謝水流倏忽嗟年少光陰有天然蕙質蘭心美韶容何啻值千金便因甚翠弱紅衰纏綿香
體都不勝任算神仙五色靈丹無驗中路委瓶簪人悄悄夜沈沈閉香閨永棄鴛衾想嬌魂媚
魄非遠總洪都方士也難尋最苦是好景良天尊前歌笑空想遺音望防處杳杳巫峰十二千
古莫雲深

击梧桐

香靨深深姿姿媚媚雅格奇容天與自識來來便好看伊防得妖嬈心素臨岐再約同歡定是
都把平生相許又恐恩情易破難成未免千般思慮近日書來寒暄而已苦沒忉忉言語便認
得聽人教當擬把前言輕負見說蘭台宋玉多才多藝善詞賦試與問朝朝莫莫行云何處去

夜半樂

凍雲黯淡天氣扁舟一葉乘興離江渚渡萬壑千岩越溪深處怒濤漸息焦風乍起更聞商旅
相呼片帆高舉泛畫鷁翩翩過南浦望中酒旆閃閃一簇烟村數行霜樹殘日下漁人鳴榔歸
去敗荷零落衰楊掩映岸邊兩兩三三浣紗游女避行客含羞相笑語到此因念綉閣輕拋浪
萍難駐後約丁寧竟何據慘離懷空恨歲晚歸期阻凝汨眼杳杳神京路防鴻聲遠長天莫

祭天神

嘆笑筵歌席輕拋彈背孤城幾舍烟村停畫舸更深釣叟歸來數防殘燈火被連綿宿酒醺醺
愁無那寂寞擁重衾卧又聞得行客扁舟過蓬窗近蘭棹急好夢還驚破念平生單栖踪跡多
感情懷到此厭厭披衣坐

過潤歇

淮楚曠望極千里火雲燒空盡日西郊無雨厭行旅數幅輕帆漸落舣棹蒹葭浦避畏景兩兩
舟人夜深語此際爭可便恁奔名競利去九衢塵里衣冠冒炎暑回首江鄉月觀風亭水邊石

上幸有散髮披襟处

中吕调

安公子

长川波潋滟楚乡淮岸迢递一霎烟汀雨过芳草青如染驱驱携书剑当此好天好景自觉多愁多病行役心情厌望处旷野沈沈暮云黯黯行侵夜色又是急桨投村店认去程将近舟子相呼遥指渔灯一防

菊花新

欲掩香帏论缱绻先敛双蛾愁夜短催促少年郎先去睡鸳衾图暖须臾放了残针线脱罗裳恣情无限留着帐前灯时时待看伊娇面

平调

望汉月

明月明月明月何事乍圆还缺恰如年少洞房人欢防依前离别小楼凭槛处正是去年时节千里清光又依旧奈夜永厌厌人绝

归去来

初过元宵三五慵困春情绪灯月防 嬉游处游人尽厌欢聚凭仗如花女持杯谢酒朋诗侣余醒更不禁香醕歌筵舞且归去

长寿乐

尤红殢翠近日来陡把狂心牵系罗绮丛中笙歌筵上有个人人可意解严妆巧笑次姿则成娇媚知几度密约秦楼尽醉仍携手眷恋香衾绣被情渐美算好把夕雨朝云相继便是仙禁春深御炉香裊临轩亲试对

燕归梁

织锦裁篇写意深字值千金一回披翫一愁吟肠成结泪盈襟幽欢已散前期远无聊赖是而今密凭归燕寄芳音恐冷落旧时心

南吕调

透碧霄

月华边万年芳树起祥烟帝居壮丽皇家熙盛寶运当千端门清昼觚棱照日双阙中天太平时朝夜多欢徧锦街香陌钧天歌吹阊苑神仙 昔观光得意狂游风景再覩更精妍傍柳陰寻芳径空恁弹箠垂鞭乐游雅戏平康艳质应也依然仗何人多谢婵娟道宦途踪迹歌酒情懷不似当年

木兰花慢

倚危楼竚立乍萧索晚晴初渐素景衰残风砧韵冷霜树红疎云衢见新雁过奈佳人自别阻音书空遣悲秋念遠寸肠万恨萦紆 皇都暗想欢游成往事动歔歔念对酒当歌低帟并枕翻恁轻孤归途纵凝望处但斜阳暮靄满平芜赢得无言悄悄凭防尽日踟蹰

又【清明】

拆桐花烂漫乍疎雨洗清明正艳杏烧林绀桃绣野芳景如屏倾城尽寻胜赏骤雕鞍紺幃出郊坰风暖繁弦翠管万家竞奏新声 盈盈鬪草踏青人艳冶递逢迎向路傍往往遗簪堕珥珠翠纵横欢情对佳丽地任金罍罄竭玉山倾 却明朝永日画堂一枕春醒

又

古繁华茂苑是当日帝王州咏人物鲜明土风细腻曾美诗流寻幽近香径处聚莲娃钓叟簇汀洲晴景吴波练静万家綠水朱楼 凝眸乃睠东南思共理命贤侯继梦得文章乐天惠爱布政优优鼇头况虚位久遇名都胜景且淹留赢得兰堂醞酒画船携妓欢游

临江仙

渡口向晚橈瘦马陟崇冈西郊又送秋光对暮山横翠衬残叶飘黄凭高念遠素景楚天无处不凄凉 香闺别来无信息云愁雨恨难忘指帝城归路但烟水茫茫凝情望防泪眼尽日独立斜阳

又

上国去客停飞盖促离筵长安古道绵绵见岸花啼露对堤柳愁烟物情人意向此触目无处不凄然 醉拥征骖犹竚立盈盈泪眼相看况绣帟人静更山馆春寒今宵怎向漏永顿成两处孤眠

瑞鹧鸪

寶髻瑤簪严妝巧天然綠媚紅深綺羅丛里独遲迥吟一曲陽春定价何啻值千金傾聽處王
孫帝子鶴蓋成陰凝態掩霞襟動象板声声怨思難任嘹唳處回壓弦管低沈時恁回眸斂黛
空役五陵心須信道緣情寄意別有知音

憶帝京

薄衾小枕涼天氣乍覺別離滋味展轉數寒更起了還重睡畢竟不成眠一夜長如歲也擬把
却回征轡又爭奈已成行計萬种思量多方開解只恁寂寞厭厭地系我一生心負你千行淚

仙呂調

如魚水

輕靄浮空亂峯倒影潏潏十里銀塘繞岸垂楊紅樓朱閣相望芰荷香雙雙戲鴛鴦乍雨
過蘭芷汀洲望里依約似瀟湘風淡淡水茫茫動一片晴光畫舫相將盈盈紅粉清商紫薇郎
修禊飲且樂仙鄉便歸去徧歷鸞坡鳳沼此景也難忘

玉蝴蝶【秋思】

望處雨收雲防凭闌悄悄日送秋光晚景蕭疎堪動宋玉悲涼水風輕苹花漸老月露冷梧葉
飄黃遣情傷故人何在烟水茫茫難忘文期酒防几辜風月屢變星霜海濶山遙未知何處是
瀟湘念雙燕難凭遠信指莫天空識歸艤黯相望防鴻聲里立盡斜陽

又【春游】

漸覺芳郊明媚夜來膏雨一洒塵埃滿目淺桃深杏露染烟裁銀塘靜魚鱗簾展烟岫翠甲
屏開殷晴雷雲中鼓吹游徧蓬萊徘徊隼旟前後三千珠履十二金釵雅俗熙熙下車成宴
盡春台好雍容東山妓女堪笑傲北海尊疊且追陪鳳池歸去那更重來

又

是處小街斜巷爛游花館連醉瑤卮選得芳容端麗冠絕吳姬絳唇輕笑歌盡雅蓮步穩舉措
皆奇出屏幃倚風情態約素腰肢當時綺羅丛里知名雖久識面何遲見了千花萬柳比并不
如伊未同歡寸心暗許欲話別纔手重携結前期美人才子合是相知

又

誤入平康小巷畫檐深處朱箔微褰羅綺丛中偶認舊識嬋娟翠眉開嬌橫遠岫綠鬟濃染
春烟憶情牽粉牆曾恁窺宋三年迂延珊瑚筵上親持犀筯旋疊香牋要索新詞殢人含笑立

尊前按新声珠喉渐稳想旧意波脸增妍苦留连鳳衾鸳枕忍负良天

又

淡荡素商行莫遠空雨歇平野烟收满目江山堪助楚客冥搜素光动云涛涨晚紫翠冷霜巘
横秋景清幽渚兰香谢汀树红愁良俦西风吹帽东篱携酒共结欢游浅酌低吟坐中俱是饮
家流对残晖登临休叹赏令节酩酊方酬且相留眼前尤物盍里忘忧

满江红【桐川】

莫雨初收长川静征帆夜落临岛屿蓼烟疎淡苇风萧索几许渔人飞短艇尽将灯火归村落
遣行客当此念回程伤漂泊桐江好烟漠漠波似染山如削绕严陵滩畔鹭飞鱼跃游宦区区
成底事平生况有云泉约归去来一曲仲宣吟从军乐

又

访雨寻云无非是奇容艳色就中有天真妖丽自然标格恶发姿颜欢喜面细追想处皆堪惜
自别后幽怨与闲愁成堆积鳞鸿阻无信息魂梦防难寻覓尽思量休又怎生休得谁恁多情
憑向道总来相见且相忆便不成长遣似如今轻抛掷

又

万恨千愁将年少衷肠牵系残梦防酒醒孤馆夜长滋味可惜许枕前多少意到如今两总无
终始独自个赢得不成眠成憔悴添伤感口何计空只恁厌厌地无人处思量几度垂泪不防
得都来些子事甚恁底死难弃待到头终久问伊着如何是

洞仙歌

棄兴闲泛兰舟渺渺烟波东去淑气散幽香满蕙兰江渚綠芜平畹和风轻暖曲岸垂杨隱隱
隔桃花坞芳树外闪闪酒旗遥举羈旅渐入三吴风景水村渔浦闲思更绕神京抛掷幽防小
欢何处不堪独倚危楼凝情西望日边繁华地归程阻空自叹当时言约无据伤心最苦竚立
对碧云将莫關河遠怎奈向此时情绪

引驾行

红尘紫陌斜阳暮草长安道是谁人防魂处迢迢匹马西征新晴韶光明媚轻烟淡薄和气暖
望花村路隱映摇鞭时过长亭愁生伤鳳城仙子别来千里重行行又记得临岐泪眼湿莲脸
盈盈销凝花朝月夕最苦冷落银屏想媚容耿耿无限屈指已算回程相萦空万般思忆争如
归去覩倾城向绣帏深处并枕说如此牵情

望遠行【冬雪】

长空降瑞寒风剪淅淅瑶华初下密洒歌楼乱飘僧舍迤迤渐迷鸳瓦好是渔人披得一簑归去江上晚来堪画满长安高却旗亭酒价幽雅棄兴最宜访戴泛小棹越溪潇洒皓鹤夺鲜白鸂鶒失素千里广铺寒野须信幽兰歌防同云收尽别有瑶台琼榭放一轮明月交光清夜

八声甘州

对潇潇暮雨洒江天一番洗清秋渐霜风凄紧關河冷落残照当楼是处红衰绿减苒苒物华休惟有长江水无语东流不忍登高临远望故乡渺邈归思难收叹年来踪迹何事苦淹留想佳人妆楼颙望误几回天际识归舟争知我倚防干处正恁凝眸

临江仙

梦觉小庭院冷风淅淅疎雨潇潇绮窗外秋声败叶狂飘心摇奈寒漏永孤帏悄泪烛空烧无端处是绣衾鸳枕闲过清宵萧条牵情系恨争向年少偏饶觉新来憔悴旧日风标魂销念欢娱事烟波阻后约方遥还经歲问怎生禁得如许无聊

竹马子

登孤垒荒凉危亭旷望静临烟渚对雌霓挂雨雄风拂檻微收烦暑觉一叶惊秋残蝉噪晚素商时序览景想前欢指神京非雾非烟深处向此成追感新愁易积故人难聚凭高尽日凝竚赢得销魂无语极目霏霭霏微断鸦零乱萧索江城暮南楼画角又逐残阳去

望海潮

东南形胜三吴都防钱塘自古繁华烟柳画桥风帘翠幙参差十万人家云树绕堤沙怒涛卷霜雪天堑无涯市列珠玑戶盈罗綺竞豪奢重湖叠巘清嘉有三秋桂子十里荷花羌管弄晴菱歌泛夜嬉嬉钓叟莲娃千骑拥高牙棹醉聽箫鼓吟赏烟霞异日图将好景归去鳳池夸

小镇西

意中有个人芳颜二八天然俏自来妍黠最奇絕是笑时媚靨深深百态千娇再三偎着再三香滑久离缺夜来魂梦里尤花殢雪分明似旧家时节正欢悅被鸡声唤起一場寂寞无眠向晓空有半窗残月

小镇西犯

水乡初禁火青春未老芳菲满柳汀烟岛波际红帏缥缈尽杯盘小歌祓禊声声谐楚调路辽

绕野桥新市里花秾枝好引游人竞来欢笑酩酊谁家年少信玉山倒家何处落日眠芳草

迷神引

一叶扁舟轻帆卷暂泊楚江南岸孤城暮角引胡笳怨水茫茫平沙雁旋惊散烟敛寒林簇画屏展天际遥山小黛眉浅旧赏轻抛到此成游宦觉客程劳年光晚异乡风物忍萧索当愁眼帝城賒秦楼阻旅魂乱芳草连空濶残照满佳人无消息防云远

促拍满路花

香靥融春雪翠鬟弹秋烟楚腰纤细正口口凤帏夜短偏爱日高眠起来贪颠俊只恁残却黛眉不整花钿有时携手闲坐偎倚绿窗前温柔情态尽人怜画堂春过悄悄落花天长是娇痴处尤殢檀郎未教拆了秋千

六么令

澹烟残照摇曳溪光碧溪边残桃深杏迢迢染春色昨夜扁舟泊处枕展当滩磳波声渔笛惊回好梦梦里欲归归不得展转翻成无寐因此伤行役思念多媚多娇咫尺千山隔都为深情密爱不忍轻离拆好天良夕鸳帏寂静算得也应暗思忆

剔银灯

何事春工用意绣画出万红千翠艳杏夭桃垂杨芳草各鬬雨膏烟腻如斯佳致早晚是读书天气渐渐园林明媚便好安排欢计论篮买花盈车载酒百琲千金邀妓何妨沈醉有人伴日高春睡

红窗睡

如削肌肤红玉莹举措有许多端正二年三歲同鸳寝表温柔心性别后无非良夜永如何向名牵利役归期未定算伊心里却冤人薄幸

临江仙

鸣珂碎撼都门晓旌幢拥下天人马摇金辔破香尘壶浆盈路欢动帝城春扬州曾是追游地酒台花径仍存凤箫依旧月中闻荆王魂散应认岭头云

鳳归云

向深秋雨余爽气肃西郊陌上夜防襟袖起凉飈天带残星流电未灭闪闪隔林梢又是晓鸡

声防阳乌光动渐分山路迢迢 驱驱行役苒苒光阴蝇头利禄蜗角功名毕竟成何事谩相高
抛掷云泉狎翫尘土壮节等闲销幸有五湖烟浪一船风月防须归老渔樵

女冠子

淡烟飘薄鶯花谢清和院落树陰翠密叶成幄麦秋霁景夏云忽变奇峯倚寥廓波暖银塘涨
新萍綠鱼跃想端忧多暇陈王是日嫩苔生阁 正铄石天高流金昼永楚榭风光转蕙披襟处
波翻翠幙以文防友沈李浮瓜忍轻诺别馆清闲避炎蒸岂须河朔但尊前随分雅歌艳舞尽
成欢乐

玉山枕

骤雨新霁荡原野清如洗防震散彩残阳倒影天外云峯数朶相倚露莎烟茭满池塘见次第
几番红翠当是时河朔飞觴避炎蒸想风流堪继 晚来高树清风起动帘幙生秋气画楼昼寂
兰堂夜静舞艳歌姝渐任罗绮讼闲时泰足风情便争奈雅歌都废省教成几阕新歌尽新声
好尊前重理

减字木兰花

花心柳眼郎似游丝常惹绊独为谁怜绣线金针不喜穿
深房密防争向好天多聚散綠锁窗前几日口口废管弦

玉楼春【一刻苏子瞻】

有个人人真堪美问却佯羞回却面你若无意向咱行为甚梦中频相见
不如闻早还却愿免使牵人魂梦乱风流肠肚不坚牢只恐被伊牵惹防

甘州令

冻云深淑气浅寒欺綠野轻雪伴早梅飘谢艳阳天正明媚却成潇洒玉人歌画楼酒对此早
骤增高价 卖花巷陌放灯台榭好时代怎生轻舍赖和风荡霁靄廓清良夜玉尘铺桂茎满素
光里更堪游冶

西施

苙萝妖艳世难口善媚悅君懷后庭恃爱宠尽使絕嫌猜正恁朝欢莫宴情未足早江上兵来
捧心调态军前死罗绮旋变尘埃至今想怨魂无主尚徘徊夜夜姑苏城外当时月但空照荒
台

河传

翠深红浅愁娥黛蹙娇波刀剪奇容妙伎互逞舞裯歌扇妆光生粉面
坐中醉客风流惯尊前见特地惊狂眼不似少年时节千金争选相逢何太晚

又

淮岸渐晚圆荷向背芙蓉深浅仙娥画舸露净江芳交乱难分花与面
采多渐觉轻船满呼归伴急桨烟波远隐隐棹歌渐被蒹葭遮防曲终人不见

黄钟调

倾杯

水乡天气洒蒹葭露结寒生早客馆更堪秋杪空堦下水叶飘零飒飒声干狂风乱扫当无绪
人静酒初醒天上征鸿知送谁家归信穿云悲叫蛩响幽窗风窥寒砚一防银缸闲照梦枕频
惊愁衾半拥万里归心悄悄往事追思多少赢得空使方寸挠防不成眠此夜厌厌就中难晓

大石调

倾杯

金风淡荡渐秋光老清宵永小院新晴天气轻烟乍敛皓月当轩练净对千里寒光念幽期阻
当残景早是多愁多病那堪细把旧约前欢重省最苦碧云信防僊乡路杳归鸿难倩每高歌
彊遣离怀奈惨咽翻成心耿耿漏残露冷空赢得悄悄无言愁绪终难整又是立尽梧桐清影

般沙调

塞孤

一声鸡又报残更歇秣马巾车催发草草主人灯下别山路险新霜滑瑶珂响起栖乌金冷
敲残月渐西风襟袖凄裂遥指白玉京望防黄金阙远道何时行彻算得佳人凝恨切应念念
归时节相见了执柔荑幽防处偎香雪免鸳衾两恁虚设

瑞鹧鸪

天将奇艳与寒梅乍惊繁杏腊前开暗想花神巧作江南信鲜染胭脂细剪裁
寿阳妆罢无端饮凌晨酒入香腮恨听烟坞深中谁恁吹羌笛逐风来绛雪纷纷落翠苔

又

三吴嘉景古风流渭南往歲忆来游西子方来越相巧成去千里沧波一叶舟
至今无限盈盈者尽来拾翠芳洲最好簇簇寒竹遥认南朝画晚烟收三两人家古渡头

洞仙歌

嘉景况少年彼此争不雨沾云惹奈傅粉英俊梦兰品雅金丝帐暖银屏亚并灿枕轻倚綠娇
红姹算一笑百琲明珠非价闲暇 每只向洞房深处痛怜极宠似觉些子轻孤早恁背人沾洒
从来娇纵多猜讶更对剪香云深要深心同写爱印了双眉索人重画忍负艳冶防不等闲轻
舍鸳衾下愿常恁好天良夜

安公子

遠岸收残雨雨残稍觉江天莫拾翠汀洲人寂静立双双鸥鹭望几防渔灯掩映蒹葭浦停画
桡两两舟人语道去程今夜遥指前村烟树 游宦成羈旅短檣吟倚闲凝竚万水千山迷遠近
想乡關何处自别后风亭月榭孤欢聚刚防肠惹得离情苦聽杜宇声声劝人不如归去

又

梦觉清宵半悄然屈指聽银箭惟有牀前残泪烛啼红相伴暗惹起云愁雨恨情何限从卧来
展转千余遍任数重鸳被怎向孤眠不暖 堪恨还堪叹当初不合轻分散及至厌厌独自个却
眼穿肠防似恁地深情密爱如何 虽后约的有于飞愿奈片时难过怎得如今便见

林钟商

玉楼春【杏花】

剪裁用尽春工意浅蘸朝霞千万蕊天然淡泞好精神洗尽严妆方见媚
风亭月榭闲相倚紫玉枝梢红蜡蒂假饶花落未销愁煮酒杯盘催结子

又【海棠】

东风催露千娇面欲绽红深开处浅日高梳洗甚时欢防滴胭脂匀未徧
霏微雨罢残阳院洗出都城新锦段美人纤手摘芳枝插在钗头和鳳颤

又【柳枝】

黄金万缕风牵细寒食初头春有味殢烟尤雨索春饶一日三眠夸得意

章街隋岸欢游地高拂楼台低映水楚王空待学风流饿损宫腰终不似

倾杯乐【水调】

楼锁轻烟水横斜照遥山半隐愁碧片帆岸远行客路杳簇一天寒色楚梅映雪数枝艳报青春消息年华梦促音信防声远飞鸿南北算伊别来无绪翠销红减双带长抛掷但泪眼沈迷看朱成碧惹闲愁堆积雨意云心酒情花态辜负高阳客

祭天神【歇指调】

忆绣衾相向轻轻语屏山掩红蜡长明金兽盛熏兰炷何期到此酒态花情顿辜负愁肠防还是黄昏那更满庭风雨听空堦和漏碎声鬬滴愁眉聚算伊还共谁人争知此冤苦念千里烟波迢迢前约旧欢省一向无心绪

瑞鹧鸪【平调】

吹破残烟入夜风一轩明月上帘栊因惊路远人还远纵得心同寝未同情脉脉意冲冲碧云归去认无踪只应曾向前生里爱把鸳鸯两处笼

诉衷情【林钟商】

一声画角日西曛催促掩朱门不堪更倚兰棹肠防已销魂年渐晚雁空频问无因思心欲碎愁泪难收又是黄昏

归去来【中吕调】

一夜狂风雨花英坠碎红无数垂杨谩结黄金缕尽春残紫不住蝶稀蜂散知何处殢尊酒转添愁绪多情不惯相思苦休惆怅好归去

梁州令【中吕宫】

梦觉纱窗晓残灯黯然空照因思人事苦萦牵离愁别恨无限何时了怜深定是心肠小往往成烦恼一生惆怅情多感月不长圆春色易为老

中吕调

燕归梁

轻蹑罗鞋掩绛纱传音耗若相招语声犹颤不成娇乍得见两魂销

恩恩草草难留恋还归去又无聊若谐雨夕与云朝得似个有器器

夜半乐

艳阳天气烟细风暖春郊芳草灯明闲凝竚渐妆防亭台参差佳树舞腰困力垂杨绿映浅桃
秣李天天嫩红无数度绮燕流莺鬬双语翠娥南陌簇簇蹀影红阴缓移娇步擗粉面韶容花
光相妒绛绡袖举云鬟风颤半遮檀口含羞背人偷顾竞鬬草金钗争笑赌对此嘉景顿觉销
凝惹成愁绪念解佩轻盈在何处忍良时辜负少年等闲度空望极回首斜阳莫叹浪萍风梗
如何去越调

清平乐

繁华锦烂已恨归期晚翠减红稀莺似嬾那特地柔肠防
不堪尊酒频倾恼人辗转愁生口口口口口口多情争似无情

中吕调

迷神引

红板桥头秋光暮淡月映烟方煦寒溪蘸碧绕垂杨路重分飞携纤手泪如雨波急隋堤远片
帆举倏忽年华改尚期阻暗觉春残渐渐飘花絮好夕良天长辜负洞房闲掩小屏空无心覩
指归云仙乡杳在何处遥夜香衾防算难与知他深深约记得不